



Tusagassiorfinnut nalunaarut Pressemeddelelse

”134”-mut saaffiginninnerit annertuumik qaffariartut

Ukioq kingulleq Meeqqat Inuusuttullu Oqarasuaataannut ”134” –imut kinaassutsimik oqaatiginninngikkaluarluni saaffiginninnerit amerlassusaat PAARISAp naatsorsoqqammerpai. Ukiumoortumik nalunaarusiap, sualummik *qinngasaarneqartarnerup nakuuserfigineqartarnerullu* kingunerisaanik siunnersortinnissamik pisariaqartitsineq annertuumik qaffariarsimasoq takutippaa.

14.06.2007

Postboks 1160
3900 Nuuk
Oq/tel +299 34 50 00
Fax +299 32 55 05
peqqip@gh.gl
www.nanoq.gl

2006-imi oqaloqatiginninnerit siunnersuinertallit 2005-mut naleqqiullugu 58 procentimik amerleriarput. Saaffiginninnerit tamakkerlugit naatsorsoraanni marloriaatinngungajalluinnarsimapput, tassa 2005-imi 443-niit 2006-imi 964-inut, taakkunannga ”134” sumut atorsinnaanerlugu paasiniaalluni saaffiginninnerupput aammalu ilarpassui sianeraluarlutik ilisiinnarnerit imaluuniit oqarasuaammik asuli pinnguarnerullutik.

Maanna Meeqqat Inuusuttullu Oqarasuaataat ”134” ukiuni arfinilinni ingerlareersimalerpoq, tassalu meeqqanit inuusuttunillu inuunermi unamminartut minnerit annertunerillu pillugit inersimasumik ilisimasalimmik oqaloqateqarnissamik pisariaqartitsisunit siusinnerusumut naleqqiullugu atornerqarnerulersimalluni. Oqaloqatiginninnerit siunnersuinertallit 74 procentii meeqqanik 18 inorlugu ikiulinnik oqaloqatiginninnerupput, taakkunannga affaat sinnerujussuarlugit nivarsiaqqanik oqaloqatiginninnerullutik.

Ajornartorsiutit meeqqat inuusuttullu siunnersorneqarfigisaat tassaapput *apeqqutit inuusuttunngulernermit tunngasuniit qinngasaarneqartarnerup, nakuuserfigineqarsimanerup, aanngajaarnartunik atornerluinerup* imaluunniit *imminornermik misigisaqarsimanerup nassatarissaanik kingunerlutsitsineq. Qinngasaarneqartarneq nakuusertarnerlu* pillugu ajornartorsiutit tassaapput 18 inorlugit ukiullit siunnersortikkumallutik saaffiginnissutigikkajutaat, tassa saaffiginninnerit 30 procentii. Aammattaaq meeqqat arlaqaqisut angerlarsimaffimminni angajoqqaaminnit qimaannarneqarsimanertik saaffiginnissutigisarpaat.

Inersimasut siunnersorneqarsimasut *aanngajaarniutinik atornerluineq imminornerlu* amerlaqatigiikannarsunik saaffiginnissutigaaat. *Kiserliorneq oqqannerlu* meeqqat inersimasullu akornanni arlaqartunit saaffiginnissutigineqarput.

Tamaat isigigaanni *nakuusertarneq* tassaavoq akulikinnerpaamik siunnersuiffigineqartarsimasoq. Siunnersuilluni oqaloqatiginninnerni ajornartorsiutit allat eqqartorneqakkajuttarput, tassa saaffiginnittut amerlasooriarlutik nuanniitsunik assigiinngitsunik aqquusaagaqartarsimanerat pissutigalugu. Assersuutigalugu

nakuuserneq pillugu siunnersortikkumalluni oqaloqatiginninnerit 30 procentiisa missaanni aamma *aanngajaarnartunik atonerluineq* eqqartorneqartarsimavoq, tamatuma ajornartorsiutit qanoq assigiinngiiaartiginerat takutippaa.

Meeqqat Inuusuttullu Oqarasuaataat "134" sapaatip akunnera naallugu ullut tamaasa nal. 19 aamma 21 akornanni ammasarpoq ilisimasalinnillu akineqartarluni.

Paasissutissanik annertunerusunik pissarsiumaguit Anita Johansen PAARISA-mi konsulenti attaveqarfigisinnaavat, oqarasuaat 34 66 76, e-mail: ANIJ@gh.gl